

武陵縣志卷之四十四

同治壬戌編成

陽湖 惲世臨鑒定

邑人 陳啟邁纂輯

人物志第十

列女

胡氏劉柏遠妻年二十二寡矢志撫遺腹子成立道光二年

旌

劉氏陳典禮妻年二十三歸陳舅姑俱□祖姑孝越六年

夫卒遺腹生子啟松教之有成歷節一□五年

歐陽氏劉維俊妻年十八適劉生子□□未幾夫卒撫子娶

武陵縣志

卷之四十四

人物志

列女

一

婦生孫三子又沒撫孫成立壽九十三道光四年 旌

馮氏舉人王慎甸妻早寡立後以守道光四年 旌其祖姑

劉氏夫幕遊於外代肩子職及夫卒時年三十四食貧苦守

刺繡奉養子敬禧貢成均孫慎甸領鄉薦皆所成就

楊氏明傅忠肅公六世孫道培妻年二十五寡子昌馨尙襁

褓遺腹生天鳳翁老祖翁猶在堂奉養精潔以野蔬和粥偕

二子食天鳳入邑庠學使祁寯藻旌其門

劉氏曠錦秀妻年二十五寡無子以從子杰嗣苦守勵學食

餼於庠學使程恩澤旌以額

李氏陳詩錦妻年二十九寡家貧矢志堅守歷三十七年

唐氏錢南英妻年二十九寡以孝□子□遠嗣教讀成立事
姑盡孝歷節三十七年孫培因國子生道光十四年 旌
蕭氏庠生楊丕贊妻年二十七寡奉翁姑繼祖姑曲盡孝養
守節十八年卒子奎邑庠生夫弟丕超亦早卒娣劉氏庠生
成儀女年二十二寡以姪大桓嗣守節五十餘年道光十四年
並 旌

吳氏唐含章妻年二十三寡子三歲殤以姪庭仁嗣守志以
終道光十四年 旌

覃氏戴昭炯妻年二十二寡子嵩來甫三齡教之力學食餼
邑庠歷節四十餘年學使龔維琳給額旌之

武陵縣志

卷之四十四

人物志

列女

二

馮氏蕭元暢妻年十九而寡無子以身殉舅姑救免爲立嗣
家中落奉養皆出自針黹娶婦劉氏生孫而子亡率婦撫孫
壽八十見曾孫提督楊芳旌其門

朱氏陳夢周妻早寡守志終身道光十九年 旌

魏氏顧懋禮妻年二十六生子未踰月夫卒家貧甚勤紡績
事舅姑撫孤成立苦節三十餘年道光二十二年 旌

袁氏阮方旗妻年二十四寡遺孤二長三齡次甫周晬苦守
撫之學使陳壇給額以旌

聶氏拔貢陳丕禮妻年二十九守節道光二十五年 旌壽
陽祁寯藻撰墓志銘詳藝文

黃氏李某妻早寡無嗣苦節二十年知府黃宅中給額獎之
賀氏高配祖妻年二十八寡守節四十九年學使陳壇給獎
胡氏陳樹桂妻年二十而寡無嗣夫弟生子立爲後勤儉作
苦孝事舅姑鄰不戒於火延燒十餘家氏宅獨免娶婦生孫
見曾孫後孫與子繼逝率孫婦苦守壽八十四孫婦年七十
七

陳氏周汝霖妻年三十寡歲大饑夫兄欲奪其志將自盡母
家力勸乃止時加調恤撫子成立娶婦生孫子卒孫復夭遺
三曾孫皆幼氏教育之壽九十一

田氏楊經母年二十四寡守志撫孤有賢聲娶婦周事田甚

武陵縣志

卷之四十四

人物志

列女

三

孝生孫一而經亦卒婦年二十六繼姑志歷節五十六年
胡氏唐文律妻年二十而寡守節撫子學昇成立生孫三均
授室長孫次孫繼亡二孫婦皆周氏繼祖姑志守志終身
堵氏陳熙斌妻年二十三寡無子以姪增愷嗣娣顧氏沒姪
尙幼鞠之如所生姪婦沒遺姪孫甫十日堵代育之辛苦備
至卒年六十餘

鍾氏馮國謨妻年二十八守節以姪運笈嗣夫弟國勲繼沒
娣楊氏年二十三遺姪運策甫三歲同志撫孤事孀姑惟謹
運策天楊痛幾絕鍾慰之謀爲立孫均歷節三十餘年

王氏余文龍妻年二十寡撫子允升甫娶而天婦辜氏年十

六遺腹生孫昌祺王與辜教之入邑庠均以節終
陳氏梅山嶽妻年二十二寡撫遺腹子紹英娶婦王氏生孫
毓馨子婦先後沒撫孤孫成立歷節四十餘年
楊氏蔣金節妻年二十寡遺腹生子蔣故宦族家中落詬誶
聲不絕於室多侵氏安之猶不已析氏以居僅予破甑一
折足鐺一氏以石支鐺筮豆箕而炊見者流涕日夜作苦爲
子授室生孫一婦溺死撫孫將成立得疴疾死不數年子又
死依母家以老壽八十一
彭氏貴之霖妻生一子甫五歲而天年二十六寡撫姪贊清
爲嗣苦節終身道光間 旌

武陵縣志

卷之四十四

人物志

列女

四

楊氏鄭耀輝妻年二十三寡守志撫遺腹子成立事舅姑以
孝稱卒年六十八

鐵氏庠生周化南妻年二十九寡家窘甚紡績資生雖樂歲
皆菜食絮衣族人爲立子文照未幾殤氏志益堅後夫弟生
子文彥撫之爲嗣苦節三十餘年

蔡氏樊正位妻年二十九寡家赤貧采樵拾穗以活日不再
食始終不渝苦節三十餘年

何氏岳士鏞妻年三十寡子女皆幼姑衰老仰俯盡職子鴻
沛俱庠生歷節三十餘年

巨氏姚廷騏妻年二十寡事姑盡職嗣夫兄子又夭撫孫孫

亡又撫曾孫年垂八十猶勤苦不倦

巨氏梅山瑞妻年二十九而寡事姑謹顏色無少忤以夫兄子南英嗣

陳氏蕭文漢妻年十八歸蕭孝事翁姑勤紡績以供甘旨舅姑有疾湯藥親嘗衣不解帶越十年夫没矢節撫孤力操作家漸裕教孫贊先貢成均孫曾俱列黌序卒年七十七

何氏陳嘉斌妻年二十三寡守節撫子子婦相繼死遺一孫撫之以老

許氏李光潤妻年二十七而寡守志養舅姑甚孝謹同居四十餘人無間言娣姚氏没遺一女撫如己出歷節四十餘年

武陵縣志

卷之四十四

人物志

列女

五

戴氏庠生吳景卿妻幼讀書曉大義年二十九寡無子立夫弟子雲從爲嗣未幾雲從天舅姑夫弟繼没遂依母家以鍼黹自活歷節四十餘年

周氏華光漢妻年三十而寡守志撫子善事翁姑子映柏娶婦鮑氏甫三年而故遺腹生孫率婦撫之守節終身

華氏陳大文妻家貧舅客他郡夫往迎踰年舅與夫繼没於旅氏年三十矢守撫孤襁負食力卒以節終

岳氏彭巽乾妻年二十九寡苦志守貞四子皆没各遺一孫復教之治家嚴肅子婦輩皆不敢違年七十四卒

易氏李學宣妻生子甫二齡而寡時年二十七力貧守節勤

鍼黹以養舅姑家漸裕仍作苦曰吾不以逸忘勞也卒年六十一

張氏龍正位妻年二十四寡無子苦守事親園蔬新可食輒以進舅姑恒爲加餐衣服皆手自裁縫舅姑沒終矢靡他歷節四十餘年

姚氏樊萬元妻年二十九寡撫幼子光緯光緒歷三十年盛氏華渠妻年十九而寡子甫周歲夫兄枝沒二姪皆幼姒周氏年三十與周同志撫孤閱二十餘載姒卒氏志愈堅卒以節終

楊氏陳啟勳妻年二十八寡子天守志立後孝養舅姑終身
武陵縣志
卷之四十四 人物志 列女 六
不懈

楊氏彭心臨妻年二十七寡力貧子長率傭鄰田後家漸裕年八十猶勤勞不懈

宋氏李新英妻年二十八守節撫子承旭作苦無昕夕家以饒居濱洞庭鄰里頻苦水氏貸不責償鄉人德之壽八十四陳氏戴有馨妻年二十九寡子幼撫之以守事姑孝閱十年姑沒子天矢志益堅苦節三十餘年

周氏唐兆官妻奉姑極順年二十二而寡誓志不貳遺腹生子教之勵學年六十餘卒

章氏黃煦妻年十九歸黃越歲生子甫百日而煦沒矢志撫

之姑患痰疾臥牀褥六七稔扶持無少懈人以孝稱壽八十孫大鏞入郡庠歷見曾元

黃氏彭志鴻妻年二十四寡苦志守貞孝養舅姑子述勲勉勵於學卒年四十九

賈氏丁希富妻年二十五寡力貧作苦奉養必豐自食恒雜菜根家稍裕喜施與獲鍼蒯利輒濟親族壽八十三

陳氏覃鍾湘繼妻舅光典官同知攜眷之任鍾湘没氏年二十四二子一女皆前妻出撫如己出舅卒於官佐姑扶櫬歸苦志守節歷四十餘年孫恩渥食餼於庠

戴氏雷學玉妻年二十三寡矢節不貳姑老多病有欲奪其

武陵縣志

卷之四十四

人物志

列女

七

志者氏詣夫墓號哭終日姑力疾慰歸事乃已苦守四十餘年

屠氏田毓秀妻舅起龍官鎮筭游擊夫沒於陣舅旋卒宦囊蕭索氏年二十三止一女夫弟皆幼以卹銀權子母爲苦守計兼勤女紅夫季弟官守備仲弟入戎行相繼没氏失所依遂居母家以老

熊氏伍某妻年二十四寡舅鼎臣令粵東從之任未幾子夭舅憂鬱不食氏忍泣請曰舅太苦矣如不測伍氏血祀奈何舅感悟娶繼室徐生一男蔭棠指謂婦曰汝所謂承血祀者其善撫之舅卒於官與徐扶櫬歸不數年徐又没氏撫成立

入邑庠年五十三卒

楊氏邑庠生景英妹適龍陽陳紹曾年二十二寡矢志夫家強嫁之袖剪自刺以救免絕粒五日乃送之歸事聞於官判以夫從子嗣苦守五十八年

趙氏張文安妻性穎悟聞兄弟讀皆默記之夫貧贅於母家生子百日而寡時年二十一矢志撫孤閱十年乃還居孫有恒教之入郡庠

楊氏程國章妻年二十六寡章屬纊時以養母囑指二子泣曰過恩恐傷義也及卒氏矢志守侍養半出鍼黹課子嚴每曰吾不忍負而父言卒以節終

武陵縣志

卷之四十四

人物志

列女

八

湯氏劉正南妻年二十一寡無子立姪萬邦爲後孝事舅姑夫弟沒孀娣貧甚氏與合爨夫季弟夫婦繼沒遺一姪足跛又與合爨

陳氏經歷李光宇妻年二十四夫卒於官無餘蓄百計扶襯歸以紡緝自給撫二子皆殤婦文氏育子全珍助教不倦帥氏曾遠澍妻性貞慧古訓耳之輒不忘年三十寡教子廣容循矩範道光辛卯歲饑日啜粥或一飯捐有餘以給貧乏鄰里賢之

蕭氏梅山琪妻舅和羹倅汝州挈眷之任生子鍾英而夫亡矢志守節舅告歸卒課子鍾英入邑庠

曾氏蔡永禮妻年二十八寡家貧濟以鍼黹舅沒喪葬如禮教子成立苦守六十年

戴氏蔣金璋妻夫沒無子時年二十八立姪世燦爲嗣好施與戚族求貸恒解簪珥應之年六十二卒

劉氏凌岱妻年二十四寡貧多積欠戚族謀改適誓不從罄家以償衣食皆出十指力雖日不再食而堅志不移垂三十餘年

徐氏華果妻年二十四寡無子誓以身殉得家人救乃免夫兄藻嘉其志以子自勇爲之嗣氏勤女紅撫之成立年四十五病革歎曰吾得殉初志矣遂卒

武陵縣志

卷之四十四

人物志

列女

九

曾氏朱榮賡妻年二十二寡子甫周睟舅姑衰老誓志事畜子生孫而沒助婦撫之老而益礪

傅氏吳永發妻年十九歸吳家貧孝事舅姑越九年而寡子幼撫之以守子尋殤矢節益堅

羅氏鍾移桂妻年二十八夫疾氏刲股以進夫知之泣曰卿良苦矣然病已不可爲旋卒子幼矢志教之歷三十年如一日

錢氏龍澤瀚妻言笑不苟年二十二寡無子以姪正聰嗣事翁姑至耄耄不衰雖年逾七十孫曾侍側毋敢戲渝

劉氏李先魁妻年二十六寡遺腹生子苦志撫之孝養孀姑

歷四十餘年

金氏陳增恕妻年二十二寡守志立後事瞽姑四十年誠敬不衰鄰舍火至氏宅頓息人謂爲孝感有司旌其門

陳氏彭某妻夫亡時年十八終身素縞歷節六十二年

徐氏李琳妻年二十九守節撫子成立生孫而子沒又撫幼孫零丁孤苦見者流涕壽八十見曾孫

饒氏庠生陳開睿妻年二十二寡止一女守志立後皓首完貞

徐氏華東妻年二十八寡子甫四齡力貧佐姑紡緝雞再唱猶聞軋軋聲姑沒矢志益堅年七十七卒

武陵縣志

卷之四十四

人物志

列女

十

廖氏蜀人庠生聶方城繼母先是城母卒其父攜城入蜀廖叟以氏妻之未幾夫故時年三十乃貨所有得二十餘金載夫骨攜子歸苦守教子卒成於學

高氏岳文炎妻年三十寡子復天清齋自勵日飯一盂不易所守夫從子損迎養甚豐腆氏視之泊如也壽九十而卒

董氏鄧元禮妻年二十寡夫弟元信繼沒娣康氏年二十一遺孤幼甚共育其子成立俱以節終

熊氏粟應發妻年二十九寡持身節儉樂善好施歷節垂五十餘年

彭氏貴先嗣妻年二十四守節勤儉作苦子玉堂教之就學

脫簪珥以延師修脯必恭子入邑庠早卒婦郝氏年二十四
繼姑志苦守孫博文亦列鬢序

楊氏甯如珩妻年二十四寡子學典甫百日撫之以守綜理
家政□有規法

吳氏□達仁妻年十九寡遺腹生子撫之成立後死於水婦
亦他適以鍼黹自給及衰老無資生計則傳食於親屬見孝
莫不嗟歎 以上節孝紀實

程氏劉昌國妻覃氏劉士雄妻李氏孫國炳妻何氏尹大斌
妻朱氏高正嵩妻熊氏龔祖寅妻周氏龔自勸妻劉氏姚集
九妻彭氏賈汝霖妻凌氏龔宗恒妻魯氏陳宏春妻何氏陳

武陵縣志

卷之四十四

人物志

列女

十一

惠和妻余氏周文斗妻丁氏江獻吉妻華氏甯如昌妻龔氏
戴文錦妻段氏馮國鰲妻羅氏管紹英妻貴氏戴有苞妻王
氏胡國謨妻李氏周新德妻王氏龍澤澍妻龍氏戴昭元妻
皮氏曾盛熙妻段氏熊功萬妻皆少寡守節數十年載入節
孝紀實

吳氏楊國璋妻年二十寡無子苦志守貞立姪俊爲嗣撫育
成立歷節五十餘年咸豐二年 旌

聶氏李廣鴻妻年二十守節事舅姑孝撫子毓南生孫雲鶴
入邑庠學使劉琨旌以額姪婦梁年二十五寡撫子雲銑成
立□節三十餘年

周氏朱一訪妻年二十四寡以姪宗清嗣孝事孀姑二姪失恃撫如己出歷節三十六年咸豐八年 旌

張氏余開煦妻幼耽書史曉大義年二十寡無子哀毀不欲生以祖舅姑暨舅姑咸在堂不敢殉嗣夫兄子寶棻鬻齡時置膝上課讀未幾姒與夫兄繼沒遺孤祚馨輩撫如己出時家日窘歲延師不輟恒以鍼黹佐修脯讀稍懈卽泣責之治家嚴肅爲戚黨所敬憚寶棻以知縣仕浙江 贈宜人咸豐十一年 旌

羅氏楊承烈妻年二十九寡守志孝養舅姑藉鍼黹供朝夕子榮光教之礪學食餼於庠歷節四十餘年學使蕭良城旌

武陵縣志

卷之四十四

人物志

列女

十二

其門同治元年 旌

楊氏監生梁一鴻妻年二十寡以夫兄子方炳嗣延師課讀入邑庠苦節二十餘年

伍氏唐儲槐妻年二十八守節事姑以孝稱撫子顯貴成立娶婦蔣氏越三載貴沒遺腹生孫率婦撫之壽七十八

孫氏梁習義妻年二十三寡子旋夭苦守以姪榜嗣孝養翁姑閨門嚴謹雖至親罕見其面壽九十一

羅氏胡士綱妻年二十二生女未彌月夫故姑繼沒舅老家貧勤紡績以供甘旨歷節三十餘年

周氏黃方輅妻舉人岡竹之婦年二十三寡遺腹生子撫之

以守歷節四十年

張氏湘潭人朱怡鎭妻年二十七寡無子以姪億溶嗣嗜貧
矢守孝事孀姑教億溶成諸生卒年五十一

李氏唐會緒妻年二十五寡守節撫孤歷節四十年

熊氏唐會仔妻年二十四寡撫遺腹子成立卒年七十二

羅氏父士倫幼字胡某家中落愆期不能娶翁欲辭婚氏聞
之謂其母曰吾父四男獨不可作五男視乎遂贅焉踰年夫
沒慟曰妾無夫不足惜翁無子何以堪乃歸養翁貧不支藉
鍼黹以供膳翁沒矢志彌堅年五十五卒

茹氏監生唐清廉妻年二十八寡苦志守貞紡績自給教子

武陵縣志

卷之四十四

人物志

列女

十三

儲材成諸生年七十一卒

沈氏周世哲妻年二十八寡子二守節撫之綜理家政舅光
漢授徒於外無內顧憂長子正典入邑庠卒年六十餘

聶氏李天柱妻年二十八寡苦守撫孤通書史嘗以古賢媛
訓女輩事姑至孝姑患骯疾左右扶持者十餘年夫兄化龍
官游擊無嗣以長子廷珍爲之後歷節三十六年

吳氏黃經魁妻年二十九寡守志力貧不苟言笑撫二子皆
成立壽八十餘

周氏徐德沛妻年二十二生子十五日而夫亡守節撫育孝
事孀姑歷節四十一年

沈氏金宏緒妻年二十二寡無子以姪嗣辛勤教育性嚴肅
戚族敬之年四十三卒

曾氏何大烈妻年十九生子甫一歲而寡或以貧勸改適厲
辭拒之矢志不二撫孤成立苦節四十餘年

阮氏賀肇錦妻年二十七寡性貞靜寡言笑事孀姑孝喪葬
盡禮撫子徵興成立

田氏陳如鑠繼妻年二十五守節遺孤二長雋奎甫六齡次
光治未周歲撫教成立雋奎廩貢生官靖州訓導

戴氏龍正瑛妻年二十一寡誓不他適以姪光譽嗣事姑以
孝稱歷節四十年

武陵縣志

卷之四十四

人物志

列女

十四

梅氏徐樹椿妻年十六歸徐生子五越十二年椿患疽侍湯
藥衣不解帶者百餘日夫卒舅與繼姑在堂以婦代子人稱
其孝教諸孤成立年七十一卒孫嘉琳邑庠生

劉氏李之素妻年十八而寡子大悅甫周歲撫之守志恐爲
所奪遂負子入川依母家以居子成立始歸年八十九以壽
終

李氏庠生陳卓妾生一子不育年二十四而寡嫡早世撫姪
景先爲嗣教之有成歷節五十年

梅氏庠生周系濂妻年二十九寡遺腹生子詒槐矢節撫育
課之就學入邑庠歷節三十餘年

唐氏劉資秀妻年十九歸劉姑沒夫弟妹均幼氏撫之事舅克孝越十年夫卒茹荼守志撫二子成立歷節垂六十二年孫曾十餘人均親見之

戴氏陳大昷妻武舉維道女年二十六寡事姑孝子有仁甫周歲教之成立守節三十年

劉氏陳德舉妻年二十五守節勤儉習苦子景先出繼夫兄嗣有聲鬻序咸豐初貢成均次景榮亦列於庠年六十卒章氏吳世麟妻年二十七寡遺孤甫數齡祖姑衰老仰事俯畜艱苦萬狀年五十七以節終

丁氏阮名裕妻年二十八守節孝事舅姑教子成立歷節五十餘年

武陵縣志

卷之四十四

人物志

列女

十五

阮氏周詒壑妻年二十四守節撫孤長三歲次甫周晬家中落紡績資生歷節三十餘年

劉氏阮方培妻生子四家貧甚歲饑方培欲嫁之氏誓不從年二十八夫故不易所守卒以節終

陳氏阮名振妻年二十而寡二子幼姑憐其少欲令改適氏悲泣誓志守節至老

彭氏劉應祥妻年二十五守節撫子成立以勤儉治家有賢聲卒年七十一

熊氏庠生張文彥妻年三十寡矢志不二事舅姑克盡職子

名傑監生卒年八十六

梅氏堵可健妻生女年二十而寡舅姑早逝夫弟可任甫十歲氏撫之完娶後立任子爲嗣苦節四十餘年

靳氏王文持妻年三十守志道光辛卯大水田宅漂沒艱苦備至命子入營得給朝夕勵節終身

顧氏唐儲斌妻年二十七寡舅姑繼沒子亦天止一女相依爲命撫族子顯壽成立苦節四十年

戴氏庠生周昭琳妻年三十寡撫孤世鎬成立孫系沅教之礪學貢成均卒年七十七

陳氏賀代興妻年二十二而寡遺腹生子澤詠持守自礪六

武陵縣志

卷之四十四

人物志

列女

十六

十餘不移初志

蕭氏庠生黃學培母生培八月而寡年十九父以家貧欲改適氏矢誓靡他三年不歸省道光壬辰饑疫流行典衣物活人鄉里賢之

貴氏蔡某妻教諭占先女年十九而寡苦志持貞四十年如一日

李氏沈大薦妻年二十二寡無子欲以身殉家人力勸乃已撫姪學樂爲嗣秉性堅貞不苟言笑卒年五十三

王氏庠生陳啟炳妻年二十九守節事姑以孝聞撫子成立
歷節三十二年

孫氏沈學疏妻疏沒氏年二十矢志撫孤力貧紡紝事翁以孝聞卒年六十六

袁氏劉子鶚妻年二十而寡撫遺腹子學固成立守節不渝甲寅之難學固罵賊死祀忠烈祠

貴氏沈銘宥妻年二十三寡無子以夫從子爲嗣歷節十七年

王氏胡國謨妻孝事舅姑夫病侍湯藥三年不倦及卒氏年二十清節自持撫二孤成立年八十二卒

龔氏沈銘造妻年二十五守志家貧雖日不再食終身不貳年四十五卒

武陵縣志

卷之四十四

人物志

列女

十七

熊氏汪本輝妻年十九生子誠源三歲而寡次子誠沂遺腹生撫之以守善持家政姑患乳癰爲吮膿血歷年餘始痊戴氏趙世棠妻年二十七守節撫子德勳延師教讀持家勤儉辛卯歲饑捐賑全活多人每除夕以錢米濟貧乏者

黃氏安化翰林崇光女唐顯鏞妻年二十五寡守志事祖姑以孝聞子榮浚教之入邑庠

陳氏覃國相妻年二十四寡清節自礪子光宇甫兩月撫之守志稍長教之識字姑目瞽起居扶持始終不懈

黃氏楊孝本妻年二十八守節撫姪敦選爲嗣甫婚而天又撫敦奎卒年五十六

王氏曾毓栲妻年十八寡清節自勵遺腹子甫成立而天撫姪盛觀又亡乃勸舅納妾生一子喜曰吾死得瞑目矣未幾卒

錢氏朱得山妻年二十三寡矢志不二事祖姑舅姑盡禮娣姒無間言立夫弟子爲嗣撫如己出持身儉素病革以未嫁時鍼黹所積資捐入敬節堂卒年三十八

王氏陳啟侯妻教諭楷禮之婦年二十九守節孝事舅姑子序培教之就學歷節三十餘年

貫氏陳序仁妻年二十四寡舅姑繼沒茹苦守志子孝忠甫周歲教育成立年五十三卒

武陵縣志

卷之四十四

人物志

列女

十八

饒氏郭士著妻年二十而寡子爲鑑甫周歲苦守撫育垂二十五年而卒以子援例授銜得封

李氏許其漪妻年二十八寡子甫七歲居濱水頻年漂泊數十年完節不渝

曹氏熊子英妻年二十九寡苦志持節子四教之成立夫兄沒無嗣以次子繼鴻承祧子志正入邑庠

周氏聶自英妻年二十三寡撫孤成立性嚴明孫曾侍側承順無違壽逾八十

洪氏庠生劉紹庭妻年二十八寡事姑孝撫孤成立儉樸終身卒年五十二

潘氏庠生劉登英妻年二十八寡事姑盡禮撫二子成立以勤儉致小康戊戌歲饑調恤親鄰多所全活孫雲階列於庠氏壽八十八

張氏雷可振妻年二十四寡力貧堅守撫孤成立始終不渝葉氏粟光彩妻年二十五寡孝事舅姑撫孤有成族黨稱之趙氏伍士錦妻年二十二寡撫遺腹子雲卿入邑庠歷節五十餘年

毛氏王育彬妻年二十二歸王逾歲而寡誓志苦守撫遺腹子中炳入郡庠歷節三十九年

賀氏張榮冕妻年二十八寡誓守撫孤長子國楨入郡庠苦

武陵縣志

卷之四十四

人物志

列女

十九

節四十餘年

張氏涂志典妻年十九守志撫孤歷節七十二年

張氏監生彭士安妻年二十六寡撫子宗瑞天又撫孫煥遠歷三十六年

郭氏梅山良妻年二十九寡嗣夫兄子冠英完娶後子婦相繼亡遺孫三孫女二撫育婚嫁艱苦備嘗歷節四十餘年

余氏胡祚雲妻年二十一寡撫遺腹子之翰奉瞽姑十餘年娶婦歲餘而子亡遺腹生孫復撫之成立歷節四十餘年

謝氏曾安岱妻年二十九寡夫弟安岳亦早逝娣張氏年二十二同志撫孤孝事孀姑張氏姑壽八十七氏壽八十一娣

壽七十三

楊氏蔣金雲妻年二十四寡遺腹生子家中落勤紡績娶婦生孫而婦亡又撫之卒年六十餘

李氏唐大陸妻年十七守節撫遺腹子顯酉成立卒年八十
孫雲霖亦早卒孫婦馮氏時年二十五繼祖姑志歷節三十九年

粟氏楊時煥妻年三十寡子元英甫九歲夫弟時中又逝娣田氏年十八無子同撫元英承兩祧皆七十而卒

章氏邱光斗妻年二十六寡撫孤慎行成立苦節四十年
周氏楊以學妻年十九于歸月餘而寡矢志守貞撫姪爲嗣

武陵縣志

卷之四十四

人物志

列女

二一

孝養舅姑人無間言卒年五十

貴氏曾衍珩妻年十九守節歷三十餘年

丁氏賀澤培妻年二十五寡矢志撫孤未幾子天煒煒獨守紡織度日歷節四十餘年

劉氏楊承謨妻年二十八夫故遺一女矢志不渝家赤貧勤鍼黹以養姑夜漏盡四刻猶刺繡不休目爲突出年四十四卒

李氏山西知縣陳樹猷妾年十八樹猷卒於官生子行成未周歲飲冰茹檠誓死靡他偕嫡李氏撫遺孤成立嫡沒尤能勤儉作苦戚黨咸以爲賢守節四十年

丁氏毛扶妻年二十寡生子樹三甫四十日守志撫育教之就學卒成諸生壽八十餘

顧氏陳行祥妻年十九歸陳逾月夫以遠遊沒於途氏聞訃毀容誓守歷四十餘年

張氏蕭宏典妻年二十四寡矢志苦貧善事威姑教子有方卒年七十三

陳氏李先盼妻年二十七寡立志苦守孝事舅姑持家嚴肅凜凜不可犯年八十七孫曾林立

程氏庠生回華妻生二子夫卒氏年二十八家中落力貧苦撫孤長子殤僅存幼子教之讀俾能成立

武陵縣志

卷之四十四

人物志

列女

二一

邨氏聶秀林繼妻年二十九而寡撫前室子如己出生孫三而其婦沒氏又撫孫及長使就學課之甚嚴爲娶婦數年婦又沒氏復撫曾孫如壯年治家井井門內肅然年七十餘日操作不少懈

潘氏趙廷璣妻年二十三夫故遺孤甫二歲矢志撫之執婦道甚謹最得堂上歡舅姑沒營喪葬如禮族鄰稱之年八十猶紡績不倦

黃氏陳行遠妻年二十而寡家極貧以紡績自活備嘗艱苦篝燈課子讀書聲徹戶外卒年四十歲

劉氏錢培禧妻年二十守節撫姪系鏞爲嗣教之成諸生

宋氏羅秀璠妻年十七守節六十餘年賀氏馮官日母年二十守節五十一年婦田氏年十七守節四十餘年賀氏丁士欽妻年十九守節五十餘年趙氏劉子北妻程氏周文昭妻年俱二十守節沈氏韓上書妻年二十八守節顏氏郝鳳雛妻年二十三守節葉氏庠生梁惟純妻年二十六守節鄒氏周昭第妻年二十四守節俱六十餘年李氏蕭宏恆妻胡氏梁玉楷妻年俱二十二守節聶氏戴昭洛妻嚴氏王之祥繼妻年俱二十七守節劉氏陳方直妻顧氏監生龍澤煦妻龍氏丁志河妻年俱二十守節王氏郝應祚妻年二十三守節張氏丁世昇妻年二十二守節吳氏黃金魁妻年二十八守

武陵縣志

卷之四十四

人物志

列女

二二

節賀氏陳樹亮妻年二十一守節唐氏屠備徵妻年二十守節金氏王可經妻年二十五守節楊氏馮芬妻孫氏程尙徙妻年二十四守節劉氏梅培英妻年二十一守節夏氏王正儒妻年二十七守節伍氏熊功博妻年二十八守節羅氏張宏球妻年二十三守節曾氏廬宗韜妻年二十五守節俱五十年陳氏王體榮妻林氏張國麒妻年二十四守節皮氏錢祚紳妻李氏張正緒繼妻年俱十七守節孫氏武生陳希杰妻年三十守節魯氏皮恆滿妻年二十守節蘇氏張德元妻朱氏胡世七妻年俱二十九守節彭氏范光廷妻年氏柳生甫妻年俱二十七守節周氏戴紱來妻吳氏郭士敏妻年俱二

十一守節戴氏朱一鏞妻周氏謝其書妻年二十八守節鍾氏吳之緒妻年二十四守節俱四十餘年賀氏楊錫麟妻韓氏范昌大妻年二十守節李氏左啟岱妻張氏戴逢旌妻巨氏朱一銖妻年二十三守節袁氏庠生梁廷棟妻陳氏胡志官妻年俱二十一守節黃氏劉合妻王氏郭星堂妻唐氏周德炯妻楊氏劉學文妻伍氏熊功輔妻熊氏伍之瓚妻宋氏馮應均妻李氏監生張德馨妻年俱二十八守節楊氏馮世萊妻李氏徐三多妻翁氏王廷銘妻年俱二十二守節戴氏丁盛墀妻尹氏段承敏妻鄒氏胡一瑀妻年俱二十六守節靳氏丁炳菊妻年三十守節陳氏顧懋章妻張氏唐英妻徐

武陵縣志

卷之四十四

人物志

列女

二三

氏劉國昌妻唐氏朱一鎬妻年俱二十九守節王氏徐德潤妻吳氏王純發妻龍氏姚世紳妻楊氏唐滋達妻馬氏金際元妻顧氏李泰山妻謝氏方士銓妻剪氏聶岱禮妻年俱二十四守節李氏王明德妻年二十五守節俱三十餘年王氏陳詩統妻年十九守節四十餘年羅氏陳觀瑞妻年二十五守節卒年五十梁氏朱廷燦妻年二十七守節卒年四十二朱氏徐之道妻年二十九守節卒年五十二錢氏熊功紹妻年二十八守節卒年五十六董氏唐貽善妻年三十寡卒年五十二莫氏唐顯釗妻年十八寡張氏熊功瑾妻年二十五均以節著

周氏西安知府季渾妻生子之逢順治戊子同夫避兵湘鄉
爲賊所掠赴水死康熙六年以夫貴贈如例

陳氏佐聖女適伊氏子遇賊赴水死

黃氏皮應維妻

舊志作啟誥

甫于歸夫卽病日侍湯藥求以

身代夫卒哭不絕聲不飲食者數日葬畢自經死上下服皆
密縫陳九霄爲撰烈婦行

王氏韶繼舜妻年二十四夫卒遺襁褓子服闋舅姑將嫁之
氏泣陳大義堅不可奪乃加以鞭朴禁其飲食氏採野蔬自
全越二年有黔商以厚金聘翁許之令姑防守氏知不免給
曰婦之報夫心已盡矣但恐弱子累老人耳姑以爲有悛心

武陵縣志

卷之四十四

人物志

列女

二四

防少懈乘閒自縊

通志

張氏談可由妻里中有惡少乘醉欲犯之張急呼遁去忿極
投繯死乾隆十年 旌 通志

楊氏王曰龍妻夫傭工乾隆戊戌春夫病夏大旱氏乞食以
養夫曰病飢交迫勢必同斃汝旦夕守我何益及吾生嫁汝
何如氏泣以死誓夫死里人憐而葬之氏慟哭曰吾事畢矣
願相從地下遂自經死時年二十七 通志

孫氏守備朱慶錦妻偕妾姜氏以烈著

通志

蕭氏王仲馨妻在室時有李萬鎰者求聘父不許及適仲馨
萬鎰強劫之自經死嘉慶五年 旌 通志

石氏文方蘇妻生一女年二十三夫卒欲縊以殉爲家人覺不果後竟赴水死嘉慶十四年 旌

鄔氏胡振翰妻性貞淑得翁姑歡膳後家人避暑室外其鄰人突入逼之氏峻拒家人集救免憤哭不止是夕投繯死邑

令楊鵬翔旌其門

通志

李氏黃昌臣妻乾隆戊戌旱不舉火者累日有諷之嫁者李忿然叱其人去夫婦閉門餓死比閭憐而葬之

府志

章氏張方開妻乾隆戊戌餓甚夫欲嫁之泣曰姑老子幼奉事撫養無人其夫不從夜分投河死

李氏庠生張文超子婦年二十五夫卒無子文超夫婦先沒

武陵縣志

卷之四十四

人物志

列女

二五

二

族人偪嫁之李訴諸官得免越二年復強嫁之自縊死其衣重重縫固於懷中得其夫靈帛聞者哀之

王氏金泰延妻年二十歸金踰年夫卒無嗣誓以身殉舅姑防之密乘閒飲藥死衣履整齊面如生葬於夫之墓側

夏氏陳開甲妻年二十九夫故哀毀絕粒勸之食不應或慰之曰如姑與孤何氏曰侍養有娣乳下兒姑夙撫之竟以委頓卒

陳氏高絃忠妻絃忠病革泣曰家貧無子必有利汝嫁者好自爲之氏泣不能言徐曰吾志決矣夫卒自縊以殉時年二十六

葉氏袁廷昇妻廷昇服賈楚北以病歸越日卒氏堅志殉之
自經者再皆救免乃投水死

吳氏曹某妻啟祕女年二十八夫卒子二方襁褓繼姑在堂
伯叔迫令改醮贅於家不從赴水死時年三十五益陽阮大
綬爲作畢命歌

府志

梅氏州判王佐妻事翁姑孝謹聞比鄰穢語忿激自經死年
三十府教授瞿家鏊爲表其阡

府志

聶氏曾申之妻道光己酉大饑斷爨者累日夫恐同子女餓
斃謀嫁之氏決不從慮終奪其志俟夫睡潛出自溺死

周氏劉牢池妻年二十寡有勸之嫁者好語誘其姑氏懼爲

武陵縣志

卷之四十四

人物志

列女

二六

所脅乃持卮酒省夫墓痛哭幾絕歸語姑以墓將崩明日卽
破冢矣姑不喻其語詰旦聞喘聲良久已殞蓋服阿芙蓉毒
死逾月戚某氏持一函至云女於喪夫後手緘此屬勿啟他
日請歸父也視之則以志在殉夫以姑老屬父善視之其死
志殆早決云

以上烈婦

汪氏陳觀奎妻年二十寡守節十八年甲寅城陷避賊鄉居土
寇引賊逼之投水死婦戴氏年十九痛哭以殉
羅氏沈敬禧妻年二十九寡守節二十年甲寅城陷自縊婢
菱花年十六殉之

朱氏管昌齡妻年十八寡守節八年甲寅城陷自縊死

毛氏何德滋妻年三十寡守節十年甲寅城陷投井死

周氏梁開朗妻年二十一新寡甲寅城陷自縊

郭氏萬結妻年四十餘守節有年甲寅城陷赴水死子女四人俱殉一門盡絕

曾氏萬明秀妻年二十九寡守節十三年甲寅城陷投水死子文彩殉之

周氏陳長炳妻甲寅城陷賊擄其夫及子憤極偕二女仰藥死

覃氏庠生陳序徵妻甲寅城陷赴水死

黃氏錢德權妻甲寅城陷夫畏賊仰藥氏率子女殉之

武陵縣志

卷之四十四

人物志

列女

二七

蔡氏沈再庭妻甲寅城陷夫賊逼自縊偕三女俱死

余氏金太善妻甲寅城陷夫遇害氏救夫死之

汪氏陳大發妻甲寅城陷賊殺其翁閉戶自縊死

張氏岳淑妻甲寅城陷投井死

徐氏鄧士魁妻年十九甲寅城陷姑投水死氏殉之

舒氏鄧方泰妻甲寅城陷率婦徐氏投水死

楊氏賀肇永妻年十九歸賀越二載甲寅城陷投水死

廖氏營兵朱萬福妻夫從征死於陣甲寅城陷自縊

曹氏伍昌廷妻甲寅城陷賊虐其夫及子自縊死

黃氏徐維墳妻張氏魏廷珍妻汪氏吳之進妻甲寅城陷均

自縊

匡氏朱怡錦妻早寡甲寅城陷赴井死

何氏張隆珍妻甲寅城陷懷孕抱三歲兒投井死

李氏張廷勝妻甲寅城陷賊刃其夫奔救被賊推仆慟哭躡

踊墮胎死

戴氏陳其杏妻甲寅城陷姑汪氏投水死氏殉之

傅氏羅學發妻方氏楊起科妻甲寅城陷均抱幼子投水死

靳氏邵尙清妻楊氏賀榮照妻蔡氏陳方年妻李氏周某妻

甲寅城陷投水死

袁氏何德興妻吳氏高在位妻安氏夏祖禹妻甲寅城陷均

武陵縣志

卷之四十四

人物志

列女

二八

投井死

某氏熊年望妻甲寅城陷賊逼不從被殺

以上甲寅殉難烈婦祀忠烈祠增

周氏陳體元妻繼姑性嚴急小拂意輒卧不起氏每跪牀下

終夜不起甘旨奉養先意承志宗族以為難

袁氏丁希進妻與娣吳氏相友愛姑目瞽年五十餘卧病不

起袁率吳紡績奉養寢食扶持歷久不倦時稱雙孝婦

□氏左依元妻繼姑有心疾醫技窮割股和羹以進頓愈

李氏妻正元妻乾隆元年翁姑病割股療之教諭潘邦孚獎

以額

□□龔啟遂妻姑病篤割股醫之祈天願以身代姑病痊氏

年八十一

張氏康方仁妻居翁姑喪以孝稱截指肉和藥愈夫目病

陳氏聶愈浩妻割股和藥以療姑病

以上孝婦
府志

楊氏周晉瑛妻仁和人晉瑛令瀘溪值姚啟唐亂同長子殉

難氏護喪攜諸孤寓武陵遇潰卒剽掠正色謂曰我瀘溪殉

難周令妻夫死忠子死孝吾今得死爲幸不可犯也卒感歎

而去經畧洪承疇以聞廕其一子曾孫如轍歲貢有傳

通志

陳氏吏部尙書楊超曾妻賢淑識大體以勤慎相夫成清名

雖貴盛不改寒素時稱女宗

黃氏劉某妻生二子乾隆四十三年邑大旱饑夫欲嫁之氏

武陵縣志

卷之四十四

人物志

列女

二九

曰餓死事小失節事大且欲嫁我爲不能存活耳請以子與

我君自爲計遂攜子依弟居日勤鍼黹紡績越數年復歸家

亦裕子皆成立

王氏夏毓洙妻未嫁而洙遠出二十餘年不歸父母令改適

不從洙叔憬聞而嘉之洙尋歸俾完娶焉

劉氏喻某妻年十二父以喻貧毀盟將別嫁之氏奔喻宅泣

告之故不肯返父訟之官官義之令於公堂成禮

通志

林氏知府劉樵妾工書翰能詩樵死永昌子俱幼艱苦萬狀

教之成立門戶再振長成佐乾隆丁酉拔貢成佑成儀俱庠

生

王氏雲貴總督趙慎畛母幼誦書史知大義教子成名嘗以鍼黹所得值僱工掩郭外暴骸親黨有急輒周卹之

王氏羅源令陳悌妻悌赴任留養舅姑雍正十年夫以疾歸奉藥餌極艱苦卒不起遺孤在璣在珠在瑞紡績課讀在璣乾隆辛未進士知尉氏縣

鄭氏程治妻年二十歸程越十一年夫卒子道南九歲姑老且病奉菽水極誠敬道南自塾歸課讀機側至夜分不倦晚歲家漸落以訓孫自娛卒年七十二孫邦杰郡廩生

皮氏田道珍母年三十一寡撫幼孤多難叢集襄夫弟籌家政致小康夫弟與娣相繼沒道珍亦天撫姪道璠及其孫繼

武陵縣志

卷之四十四

人物志

列女

三十

緒視前此尤艱劬卒年五十五

汪氏李某妻幼隨父士貴之鎮筵遊擊任李貧且病父欲改盟氏不可及歸父以拂命故畧無調卹食浣績力年三十二夫卒一子復天鄰婦勸之醮知有主者厲詞以拒並詈主者尋以夫兄子嗣氏嚴毅性成凡婦女接見有過輒莊語相規人敬服之年六十餘卒

王氏歐陽成陶妻年三十四而寡安貧教子有賢母風次孫繼鈞賴以成立卒年七十八

蔣氏麥長正繼妻撫前妻子四勤儉持內教養有方長有瑛季年俱庠生壽九十七

陳氏梁方炳繼妻舅姑沒奉祖姑盡禮家貧勤紡績撫前氏子如己出方炳授徒於外無內顧憂主家政數十年備嘗艱苦壽九十二

趙氏林國時妻年三十二寡撫子成立咸豐甲寅壽八十粵匪犯境縱火焚民居里人逃匿氏獨號呼撲滅鄉鄰德之

賢婦

戴氏女許字龍剛明未嫁而剛明卒母哭子而瞽女舐之復明撫剛明姪軒成諸生乾隆二十九年旌

程氏女父騰先幼字田某將嫁而田卒女欲歸田守貞田無可依終於母家奉母三十餘年

通志

武陵縣志

卷之四十四

人物志

列女

三一

阮氏女一足微跛字楊某楊嫌其醜敗盟父欲搆訟女曰婚姻天定亦以人合天壤非止有楊郎何相強父意解另擇壻女堅拒曰兒所言阻父訟耳男子子女子獨非子乎兒薄命爲人所棄請留事父母父悅允所請日勤紡績以佐兄弟卒年七十餘

楊氏女吏部尙書楊超曾女幼字陳詮早死女聞訃欲以身殉父母慰止之詣陳守志終身不衣綵帛立詮弟子爲後年六十四卒

張氏女安鄉人真定知府張月女字楊超曾子玃早卒女請於父母歸楊守志立玃弟植秉子爲嗣年七十八卒

鄭氏女幼失怙恃與弟依叔以居叔爲字庠生余海未嫁而海卒叔將別字拒不可密授弟書上舅姑願歸余守貞舅召族人逆女爲立嗣家貧女佐以鍼黹無倦容女卒年七十二鍾氏女幼字鄔某鄔入川日久女父母俱亡兄欲改字不從紡績自活年七十餘卒邑侯翁運標旌其門

聶氏女庠生朝棟妹幼字陳氏子未婚陳遠遊待字三十餘年戚黨勸改字不從兄弟給田養之六十餘卒

劉氏女父玉山幼字蕭氏子蕭得罪於父逸去女年及笄翁令改字女願待之以處女終

陳氏女幼字丁氏子丁死於水女素服奔喪踰月歸請於父

武陵縣志

卷之四十四

人物志

列女

三二

願與兄弟異居長爲廢人自食其力奉親四十年立夫主於室中每食必薦臨終遺命兄子以夫主納之柩並瘞之丁用有爲撰奇寡女傳

楊氏女幼字鄭學泰父母沒養於鄭年十六將婚而學泰死紡績養姑守貞以終

張氏女學文妹年三十未嫁所字者無賴子也百計誣之以圖利女以死自明有司爲碣於阡

劉氏女幼字蕭元綱元綱入蜀三十餘年女居閨中日勤紡績鄰里罕見其面卒年五十餘

譚氏女父可秘幼字賀氏子

通志作
賀人長

及笄而賀故女奔喪守

義族人爲之立嗣年五十二卒

李氏女劉氏童養媳夫未婚遠服賈不歸舅姑以貧病欲嫁之女堅志守貞立夫兄子爲嗣歷三十餘年卒

宋氏女幼字周民望母早喪年十六父又卒弟幼父囑爲弟娶而後嫁年二十而民望卒女遂詣周守志以夫姪慶攸嗣卒年六十餘

張氏女幼字楊鰲鰲遠出不歸守志母家縫紉自給卒年六十九以上府志

李氏女幼字劉氏子劉遠遊不歸父母爲改字女不可請歸養舅姑以待之父母鑒其貞聽歸劉以夫姪孝芬嗣年七十

武陵縣志

卷之四十四

人物志

列女

三三

十

餘卒

劉氏女字丁氏子程氏女父勝先子葉氏子段氏女字周經裴氏女崇德之姑所字失名年六十卒皆以貞終通志

姜氏女父坤九郡庠生幼字戴逢誥及笄而逢誥卒偕父往弔以死誓不返事翁姑三十餘年無少懈粗糲自甘宴會皆不與戚族罕見其面卒年六十八族人爲祔於誥墓府志

廖氏女相之姊父母選壻不諧遂侍養以終卒年八十餘府志李氏女幼字同里某某卒女年十三守貞以壽終

靳氏女幼字楊氏子父母相繼沒兄嫂亦亡遺姪二楊素無賴求毀盟女曰娶不娶有命盟則不可毀遂矢志苦守以鍼

蕭所積貲爲其姪完娶邑令謝雲華以額獎之

朱氏女父國安幼字葉氏子未嫁葉客死於蜀誓不再字撫弟姪苦志終身卒年八十五

李氏女父逢春幼字桃邑葛芳瑞未嫁而芳瑞沒女聞慟甚時年甫十七父欲改字不從守志終身戚族罕見其面年七十三

李氏女父國德龍陽人幼字郭光祖未嫁而郭沒女聞訃辭父母屏衣飾縞素詣靈前哭奠如儀有郭光興者欲奪女志訟於官官治光興罪給額獎之守志以終

龍氏女父澤眾早逝母有疾侍養不字友弟撫姪年六十五

武陵縣志

卷之四十四

人物志

列女

三四

卒

陳氏女父海晏字毛氏子將笄而毛故誓不改字守志母家年七十二卒

曾氏女父明試幼病未字及長矢志不嫁奉養終身年八十卒

以上貞女

袁氏女幼字龍陽彭大闡未嫁而闡卒女哀痛奔喪衰麻不去身居月餘歸屢求往供婦職父不許謀改字哭泣數日自經死舅姑舁其棺與大闡合葬焉

韓氏女幼字劉聯元之孫榮亨聯元夫婦逾七十子婦俱亡孫又天女時年十五匍匐奔喪願代夫養父謀改字控於官

邑令楊嘉植以守貞艱苦反覆勸諭女泣曰生爲韓女死爲劉婦如有他強願從地下耳乃給錢米布帛判歸劉十餘年聯元夫婦卒女喪葬畢自盡死

石氏女有狂且無禮怒罵之去哭曰吾聞被牽斷臂今且不及古人耶遂投河死乾隆三十五年 旌

楊氏女幼字陽文珠珠病革母老家貧女攜老婢詣陽居別室親調湯藥脫簪珥以佐參苓不令珠知閱月珠卒慟哭營葬如禮未逾年姑沒遂自經兄嫂救止以悲泣死與珠合葬枉山之麓學使姚頤以額獎之

陳氏女幼字歐陽某及笄而父母沒所字得惡疾叔爲改字

武陵縣志

卷之四十四

人物志

列女

三五

他族親迎有曰仍以歐陽給之女疑而泣及期藏刃登輿意至壻門非是則自刎至則果然女出刃眾駭而折之憤甚晝夜號泣髮盡赤勸者莫能近數日死

潘氏女父士元幼字熊氏子熊遠遊不歸女年三十父欲改字不食自縊死邑令楊鵬翱旌以額

周氏女幼字左某左初饒裕後貧父母毀盟女堅志不從自劉死周族鳴於官榜其烈於左氏宗祠成女志也嘉慶十七年事

羅氏女幼失怙母爲字孔氏子時祖母年逾七十母亦五十餘諸弟皆幼女工鍼黹每昂價售之母家恃以無苦母沒壻

遣媒迎女辭曰居喪不嫁娶逾年壻卒女慟甚重服不去身及祖母沒乃謂諸弟曰汝輩幸自立吾無慮矣顧安得孔家人來乎弟不解招之至女已嚴妝闔戶自經死

陳氏女字熊氏子熊遠出父議改字自經死以上通志 府志

錢氏女玳姑父德勳甲寅城陷賊入室掠其兄女偕妹么姑泣爲請賊不許遂詈賊賊怒怵以威共投井死玳姑年十八么姑年十六

錢氏女冬姑父德權甲寅城陷與父兄俱仰藥女甦復自縊死

金氏女父世爵年二十一金氏女父世祿年十三王氏女秀

武陵縣志

卷之四十四

人物志

列女

三六

姑父鵠元年十八王氏女父忠堂年十七郭氏女父承中年十七趙氏女父運衡年十七江氏女年十四甲寅城陷俱殉難

王氏女父文瑞年十四暨其妹甲寅城陷俱殉難

戴氏女淑姑父昌煥年十八其妹畹姑年十三甲寅城陷俱

殉難祀忠烈祠

以上烈女

李氏伍國嶼妻戚氏劉正瓚妻皆壽百歲

通志

熊氏陳以傳妻年三十餘寡撫三子成立目覩曾元壽百歲

縣案

沈氏庠生顧德章母壽百歲

李氏陳升虞妻壽九十七歲

陳氏家譜

皮氏阮世勲妻家極貧紡績不倦壽九十七耳聰目明齒牙未落宗戚咸饋贈之

李氏賀成才妻壽九十五目覩曾元十餘人

余氏吳永仁母壽九十五何氏沈芳庭母壽九十七

彭氏丁士應妻年三十餘寡撫五子成立目覩曾孫十人壽九十五

廖氏郭正祖妻壽九十二歲劉氏彭其理妻壽九十一歲

羅氏陳大植妻相夫課子以勤儉持家年九十一眠食康強眉髮未白子有耀郡庠生孫曾十許人

武陵縣志

卷之四十四

人物志

列女

三七

雷氏庠生曾傳謨母壽九十歲

丁氏余昶妻性儉樸以紡績佐夫讀教子騰萬騰蛟俱餼於

庠壽九十歲

以上壽婦

論曰倫有五惟妻道與臣道同爲治世之臣事上惠下則女子之孝也賢也爲亂世之臣託孤寄命取義成仁則女子之節也貞也烈也然而史冊所紀歷朝之良臣忠臣屈指數之已足而吾邑中女子之爲孝爲賢爲節爲貞爲烈者乃至於志不勝書豈天地純正之氣鍾毓獨優於巾幗歟哀而輯之匪僅爲採風者之助也天下鬚眉男子或亦有所觀感而興起云